

Gvangjsih Minzczuz Bau

广西民族报 ganhhau: CN45-0036 B.2020 Nd.9 Ng.16 liggaeuq gengcej nienz ndwencaet ngeihgouj

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzczuz Bause
Geizsoq: Gungh daih 3441 geiz
Geiz neix 8 banj

Liujcouh Si Youq Sanhgyangh Guh “Song Vah Doxhoiz” Hozdung

9 nyied 10 hauh, Liujcouh Si youq Sanhgyangh Duncuz Swciyen Linzhieh Cin Mbanjgvansiuj guh aen hozdung gangj cwngcwz gojgaeq hawj vunzlai dingq—aeu “laemxsim nyinhdoengz Cunghvaz Minzczuz doxcaemhcaez, ‘song vah doxhoiz’ okrenz coengh gunggeng duetgungz” guh cawjdaez. Liujcouh Siveij Senhconzbu, Minzcunghveij, Sanhgyangh boudawzap danhveih doxgven, Linzhieh Cin mbanj ganbu ginzcong, bouxguhong gunggeng duetgungz (saenqhwng lajmbanj) camgya baez hozdung neix.

Aen hozdung neix haenqrenz guh hongsaeh hawj vunzlai “laemxsim nyinhdoengz Cunghvaz Minzczuz doxcaemhcaez” caeuq okrenz coengh dieg minzczuz gunggeng duetgungz, youz doenghboux ndaw siveij gyangj-swhdonz aeu Vahbujdungh gangj caeuq doenghboux ndaw senhgyangjdonz caengzdae aeu vah dangdieg gangj roxnaeuz guh gijwnq, lwnh cwngcwz gangj gij saeh(gojgaeq) gvendaengz minzczuz doxgiet caeuq gunggeng duetgungz. Doenghboux ndaw senhgyangjdonz caengzdae aeu Vahdung

gangj gojgaeq, gangj Gvanj, ndaek ciengq bizbaz daengj, aeu doenghgij banhfap vunzlai gyaemaij neix youh lwnh youh gangj. Youq yienhciengz lij dangciengz sonhag, bouxcujciz aeu Vahdung caeuq Vahbujdungh dangciengz caeuq vunzlai doxson doxhag, vanzlij miz dap han vwndiz, neix ganbu ginzcong gaenxmaenx caez guh hozdung, gaenxmaenx han vwndiz, song baih vunz doxson doxhag, gou gangj mwngz riengz, mwngz son gou hag.
(Cinz Cin’gyangh Veiz Cungz-lij/覃振江 韦崇礼)

SIUSIK DINJ

● 9 nyied 10 hauh, Denzlinz Yen hai aen daihhoih ciuheuh vunzlai cauhyuh aen yienh yienghndei daengx gih minzczuz doxgiet baenaj, ciuheuh daengx yienh bouxboux caiq guhdaih caezhoz, laemxsim guhhong, comz rengz doinyoengx, bauj ciuq dajsuenq guh baenz hong, haenqrenz hawj daengx yienh minzczuz doxgiet baenaj baenzsaeh moq. Daengx yienh gak baih doxgven gyawj 100 boux camgya hai hoih.

(Dwng Veijsi)

● 9 nyied 7 hauh, aen yizsiz ciemdingh caeuq biengj gaiqbaiz “Bwzswz Si Minzczuz Doxgiet Baenaj Yenzgiu Cunghsinh” youq Bwzswz Yozyen gawjhengz, aen cunghsinh neix youz Bwzswz Si Minzcunghveij caeuq Bwzswz Yozyen doxgap cauhaeb. Gungh miz 50 lai boux camgya, gyoengqde dwg doengh boudaeuz Bwzswz Siveij Cujcizbu, Senhconzbu, Cwngefazveij daengj, vanzlij doengh boudawzap doxgven ndaw Bwzswz Yozyen daengj.

(Banz Fuyauz)

● 9 nyied 10 hauh banhaet, doengh boudaeuz ndaw Bwhaij Siveij Duncj-canbu gyoebbaenz aendoih camnai, daengz Bwzhaij Si Cunghdwngj Cizyez Gisuz Yozyen yawj caeuq nai 26 boux lauxsae siujsoq minzczuz, caemhcaiq angqhoh gyoengqde gvaq ngoenzciet.

(Suh Cuzsinh)

● 9 nyied 10 hauh banhaet, ngamj doiq ngoenz daih 36 aen ciet lauxsae, Bingzgvei Gihveij Duncjcanbu daengz Sahdenz Cin Sinhminz Cunh guh hozdung hawj minzczuz doxgiet baenaj “haeuj ndaw mbanj” caeuq “haeuj hag-dangz”.

(Moz Gyanghfung)

● 9 nyied 10 hauh banringzgvag, Gvangjsih Minjgvei Douzswah Cizdonz daengz Cingsih Si Sizyen Siujyoz guh hozdung dajciengj songyauq bangcoengh son’gyauq, soengq 3 fanh maenz cienz-camnai hawj 60 boux daihyauj lauxsae maenhndei, angqhoh gyoengqde gvaq ciet lauxsae.

(Vangz Gingvwnz)

Sanhgyangh: Ciengqgo Diuqfoux Aangqhoh Ngoenzciet Lauxsae



9 nyied 9 hauh banhaemh, Sanhgyangh Duncuz Swciyen youq ndaw yienhsingz Dohyeh Gvangjcanz banh vanj-vei, couhwdw aen vanjvei yienjok vwnzyi angqhoh daih 36 aen ciet lauxsae caeuq aen vanjvei fat “gyaemaij mbanj Duncuz · ciengj songyauq Gyanghconh”, gyoengq lauxsae hagseng Sanhgyangh diuq fouxlungz, ciengq Golaux Duncuz, doeg sei doeg swz, ciengqgo diuqfoux, yienj heiqliengzgingj vanzlij guh yizsiz fatciengj daengj, langh sim angqhoh ciet lauxsae, baijok yienghsienq lauxsae mbanj Duncuz. Geij bi doxyawj neix, Gvangjdungh Vuzconh caeuq Gvangjsih Sanhgyangh mbouj dingzduenh gyarengz doxgap banggungz, baih Gvangjdungh Vuzconh gungh baij 26 vunzbaez daengz Sanhgyangh coengh son’gyauq, comz gij cienz vunz ghenhawj de 378.1 fanh maenz laeb yiengh ciengj “gyaemaij mbanj Duncuz · ciengj son’gyauq Gyanghconh”.
(Gungh Bujgangh/龚普康)

Lozcwngz: “Doxgap Bangfuz” Baenzsaeh Lailai

“Bangfuz aen yienh ndeu, hawj aen minzczuz ndeu duetgungz”. Daj 2016 nienz bangfuz Lozcwngz Mulauj-cuz Swciyen doxdaeuj, Sinhcin Si Fuzdenz Gih caeuq Guekgya Yenhcaujgiz ok rengz liuxcaez coengh Lozcwngz guh hongsaeh gunggeng duetgungz, coengh okciengz, coengh guh canjniieb, youh soengq doxgaiq, dajcawx doxgaiq, caiq doxgap yungh vunzhong, hawj vunz lai ndaej hong

guh, gij banhfap bangfuz lai cungj lai yiengh, doxgap bangfuz baenzsaeh lailai.

Ndawde, Guekgya Yenhcaujgiz ok 2.64 ik maenz guh hanghmoeg, coengh aen yienh neix hwnqguh 21 aen hanghmoeg linzyez, hawj 3.66 fanh vunz ranzungzhoh ndaej ikleih, swnghdai linzyez okrenz lailai, ciemq gij rengz dawzcinj duetgungz 44.6%; Sinhcin Si Fuzdenz Gih ok 2.07 ik

maenz guh cienz bangfuz, hwnqguh 127 aen hanghmoeg gyauyuz veiswngh, roenloh lajmbanj, ancienz gwnraemx, gajguh ranzyiemj daengj, laeb 83 aen “ranzcangj banggungz”, gyonj suenq hawj 3.45 fanh vunz duetgungz, ciemq gij rengz dawzcinj duetgungz 42.1%.

(Veiz Yuzdai Vuz Meijginz/韦如代 吴美群)